



Aage Vigleik Nyhammer
Kubbaleitet 18
5916 ISDALSTØ

Referanser:

Dykkar:

Vår: 20/6081 - 21/24179

Saksbehandlar:

Astrid Riise

astrid.riise@alver.kommune.no

Dato:

26.04.2021

Svar på førespurnad i samband med planlagt installering av avløpsordning - gbnr. 58/81 Lygren indre

Viser til vårt brev av 19.02.2021 der vi opplyser at vi har motteke bekymringsmeldingar med informasjon om at det renn kloakk rett ut i sjøen ved kaien frå eigedommen din på Lygra kai. Viser og til brev av 23.03.2021 med førehandsvarsel om pålegg om utbetring av eksisterande avløpsordning og ilegging av tvangsmulkt med frist for utbetring satt til **30.09.2021**.

Alver kommune har den 08.04.2021 motteke ein telefon frå deg med nokre spørsmål i samband med installering av ny septiktank. Svar på dine spørsmål finn du her:

Installasjon av vassklosett og septiktank er eit søknadspliktig tiltak, jf. plan- og bygningslova § 20-1 bokstav f.

Etablering av nye utslepp eller vesentleg utviding av eksisterande utslepp av sanitært avløpsvatn er søknadspliktig er forureiningsforskrifta § 12-4.

- Reinseanlegg skal dimensjonerast, byggjast, drivast og vedlikehaldas slik at det har tilstrekkeleg yteevne under alle klimatiske forhold som er normale for staden der det ligg. Ved utforminga av anlegget skal det takast omsyn til variasjonar i mengde sanitært avløpsvatn i løpet av året jf. § 12-13 i forureiningsforskrifta.

Du har opplyst at det vil ikkje vere plass på eigedomen din til ein tank som er 4 m³ på, men at det vil vere mogleg å få plass til ein tank på 2 m³. I søknaden din må du vise i ein situasjonsplan korleis tanken vert plassert. Septiktankar til fritidsbustader har ein generell tømmefrekvens kvart fjerde år. Dersom det viser seg at det er naudsynt med hyppigare tømmefrekvens, f. eks. kvart anna år, må du inngå avtale med kommunen om dette.

- Du opplyser at du planlegg å bruka den eksisterande leidningen ut i sjø. Det må dokumenterast at leidningen er i forskriftsmessig stand og at den har kapasitet til utslepp frå ein ny slamavskiljar. Utslepp til sjø skal skje til minst 2 meter under lavast vassstand og som hovudregel førast minst 10 meter frå land.

Alver kommune

Postboks 4, 5906 Frekhaug

Innbyggjarservice: +47 56 37 50

00

post@alver.kommune.no

www.alver.kommune.no

Kontonummer: 3207 29 30559

Organisasjonsnummer: 920 290 922

Dersom det er naudsynt med tiltak i sjø må du i tillegg søkje Bergen Havn om løyve. Informasjon og søknadsskjema finn ein ved å gå inn på nettsida til Bergen Havn: www.bergenhavn.no og klikke på «Søknad om tiltak i sjø».

Eigedomen din ligg ved marint verneområde Lurefjorden.

I forskrift om vern av Lurefjorden og Lindåsosane marine verneområdet i Alver og Austrheim kommunar, Vestland, § 3 er det lista opp vernereglar i det marine verneområdet.

Merk forskriftas § 3 bokstav c: «Området er verna mot tiltak og inngrep som kan skade verneverdiane som t.d. etablering av ulike typar anlegg, utfylling, byggeverksemd, plassering av konstruksjonar på sjøbotnen, andre varige eller midlertidige innretingar, legging av røyrleidningar og kablar, utføring av avløpsvatn og andre konsentrerte tilførsler av ureining, mudring, uttak og deponering av masse, sprenging, boring, utslepp av kjølevatn frå land, omrøying av vassmassar og oppankring. Forsøpling er forbode. Opplistinga av tiltak er ikkje uttømande».

Dersom det må leggjast ny avløpsleidning i sjø skal dette godkjennast av Statsforvaltaren.

Søknadsprosessen skal skje ved bruk av eit ansvarleg føretak.

Ved all vidare kontakt i saka ver vennleg og referer til saknr: 20/6081.

Med helsing

Alver kommune Miljø og tilsyn

Eirik Berntsen
Avdelingsleiar

Astrid Riise
rådgjevar

Dette dokumentet er elektronisk godkjent og har difor ingen signatur.

Mottakarar:

Aage Vagleik Nyhammer

Kubbaleitet 18

5916

ISDALSTØ